

MESS INTERNACIONALNI TEATARSKI FESTIVAL INTERNATIONAL THEATER FESTIVAL WWW.MESS.BA

Na osnovu člana 27. stav 1. alineja 6. i 37. stav 2. Zakona o ustanovama („Službeni list RBiH“ broj: 6/92, 8/93 i 13/94), članova 16. stav (1) tačka 6. i 33. stav (1) tačka h) Pravila Javne ustanove „MES-Međunarodni teatarski festival-Scena MESS“ Sarajevo (broj: 257/16 od 10.05.2016. godine, Izmjene i dopune broj: 02-XII-844/21 od 28.12.2021.godine), Upravni odbor na 39. sjednici održanoj 8.11.2023. godine donosi:

PRAVILNIK o načinu prodaje i cijenama ulaznica Javne ustanove „MES - Međunarodni teatarski festival – Scena MESS“

I OPŠTE ODREDBE

Član 1. (Predmet pravilnika)

Ovim Pravilnikom se definiše visina cijena ulaznica za predstave iz programa Festivala MESS, J.U. „MES - Međunarodni teatarski festival – Scena MESS“ (u daljem tekstu: J.U. MES), popust na cijene ulaznica, kriterij za dodjelu besplatnih ulaznica i pozivnica za otvaranje Festivala, premijerne i reprizne predstave.

II ODREDBE O PRODAJI ULAZNICA I CIJENAMA

Član 2. (Način prodaje ulaznica)

Za predstave iz programa Festivala MESS ne postoje blokovi ulaznica, a prodaja ulaznica se vrši putem sistema kupikartu.ba i na njihovim prodajnim mjestima u Kantonu Sarajevo.

Član 3. (Cijene ulaznica)

- (1) Cijene ulaznica za predstave koje su produkcija ili koprodukcija J.U. MES zavise od koprodukcijskog ugovora i cijena u matičnim pozorištima koproducenata u kojima se igraju predstave.
- (2) Cijene ulaznica za Festival MESS utvrđuju se u iznosu kako slijedi:

a) Narodno pozorište Sarajevo

Kategorija mjesta u gledalištu	otvaranje	ostali programi
Parter od I do VIII reda	20,00	15,00
Parter od IX do XII reda	15,00	12,00

J.U. MES - Međunarodni teatarski festival - Scena MESS

Maršala Tita 54/I, 71000 Sarajevo, BiH
Tel.: +387 33 200 392 Fax: +387 33 211 972
Email: info@mess.ba Web: www.mess.ba
ID: 4200644710002

lože		
Galerija i balkon	10,00	8,00

b) Ostala pozorišta

	otvaranje	ostali programi
Kamerni teatar 55	20,00	10,00
Pozorište mladih	20,00	10,00
Sarajevski ratni teatar	20,00	10,00
Alternativne lokacije	20,00	10,00

- c) Predstave iz programa Mali MESS su besplatne za svu publiku i podjela se vrši u prostorijama J.U. MES.

Član 3.**(Izmjene cijene karata)**

- (1) Direktor J.U. MES pojedinačnom odlukom može cijenu karata utvrditi na drugačiji način (veću cijenu), a u zavisnosti od produkcijske i tehničke kompleksnosti izvođenja predstave i festivala.
- (2) Ukoliko je izvođenje neke predstave iz programa Festivala humanitarnog karaktera, direktor može donijeti odluku da se cjelokupan prihod ostvaren od prodatih ulaznica preusmjeri za realizaciju humanitarne akcije.

III ODREDBE O KRITERIJIMA DODJELE BESPLATNIH ULAZNICA**Član 4.****(Besplatne ulaznice)**

Određeni broj ulaznica može se dijeliti besplatno.

Član 5.**(Količina besplatnih ulaznica)**

Ukupan broj besplatnih ulaznica u pravilu iznosi do 20 % od ukupnog broja ulaznica za predstave iz programa u Narodnom pozorištu, te do 30% od ukupnog broja ulaznica za predstave u drugim pozorištima.

Član 6.**(Način dodjele)**

O potrebi i razlozima za dodjelu dodatnog broja besplatnih ulaznica odluku donosi direktor J.U. MES.

J.U. MES - Međunarodni teatarski festival - Scena MESS

Maršala Tita 54/I, 71000 Sarajevo, BiH
Tel.: +387 33 200 392 Fax: +387 33 211 972
Email: info@mess.ba Web: www.mess.ba
ID: 4200644710002

Član 7.**(Dodjela ulaznica)**

Besplatne ulaznice se dodjeljuju u sljedećim slučajevima:

- osobama sa pozivnicama,
- uposlenicima J.U. MES,
- spoljnim saradnicima,
- autorima-učesnicima predstava,
- učenicima osnovnih i srednjih škola,
- studentima akademija i fakulteta,
- medijskim i poslovnim partnerima,
- socijalno ugroženim kategorijama društva,
- članovima žirija Festivala,
- timovima kritike,
- u drugim slučajevima kada je to u interesu Ustanove.

Član 8.**(Dodatni broj besplatnih ulaznica)**

- (1) Ako je interes za neku predstavu iz programa Festivala slabiji i proda se svega 30% ulaznica, dozvoljen je veći broj besplatnih ulaznica od utvrđenog broja u članu 6. ovog Pravilnika.
- (2) O potrebi i razlozima za dodjelu dodatnog broja besplatnih ulaznica odluku donosi direktor J.U. MES.

IV ODREDBE O POZIVNICAMA I ULAZNICAMA ZA OTVARANJE FESTIVALA**Član 9.****(Pozivnice)**

- (1) Za otvaranje Festivala MESS uobičajno je da se šalju pozivnice i na osnovu potvrđenog odgovora izdvajaju se po 2 (dvije) besplatne ulaznice za svaku pozivnicu.
- (2) Protokolarna lista zvanica kojima će se uputiti pozivnice i dodijeliti gratis - besplatne ulaznice se utvrđuje za svaku predstavu otvaranja, a odluku donosi direktor JU MES.

J.U. MES - Međunarodni teatarski festival - Scena MESS

Maršala Tita 54/I, 71000 Sarajevo, BiH

Tel.: +387 33 200 392 Fax: +387 33 211 972

Email: info@mess.ba Web: www.mess.ba

ID: 4200644710002

MESS

**INTERNACIONALNI TEATARSKI FESTIVAL
INTERNATIONAL THEATER FESTIVAL
WWW.MESS.BA**

Član 10.

(Dodatne gratis ulaznice)

- (1) Broj pozivnica i gratis ulaznica za otvaranje Festivala može biti veći od utvrđenog broja u članu 6. ovog Pravilnika, o čemu odluku donosi direktor J.U. MES.
- (2) Direktor može izuzetno odlučiti da se za pojedine predstave iz programa Festivala dodjeljuju samo pozivnice i besplatne ulaznice.

V ZAVRŠNE ODREDBE

Član 11.

Tumačenje odredbi ovog Pravilnika daje Upravni odbor Javne ustanove MES.

Član 13.

Izmjene i dopune ovog Pravilnika vrše se na način i po postupku propisanim za njegovo donošenje.

Član 14.

- (1) Pravilnik stupa na snagu danom objavljivanja i objavit će se na oglasnoj ploči Ustanove, web stranici J.U. MES.
- (2) Pravilnik se dostavlja Ministarstvu kulture i sporta Kantona Sarajevo.

Sarajevo, 8.11.2023.

Broj: 02-XI-722-1/23



Predsjednica UO

J.U. MES - Međunarodni teatarski festival - Scena MESS

Maršala Tita 54/I, 71000 Sarajevo, BiH

Tel.: +387 33 200 392 Fax: +387 33 211 972

Email: info@mess.ba Web: www.mess.ba

ID: 4200644710002